

ձրք.

Յաղագս թիւ պատարագին ուրախ լեր, զի ի վաղուց սկսաք մատուցանել ըստ արարողութեանց հայոց լրապէս. անխառն ի յարարողութեանց այլոց ազգաց, որպէս վճիռ է քահանայապետացն հոռմայ...: Զաւագ խորանն տարաք յետս զետեղեալ առ որմով. և զղասն բերաք յառաջ ըստ հայոց. շինեցաք բեմ բարձր հինգաստիճանեան. և արարաք յաջ և յահեակ աւագ խորանին յորմն ի ներքս՝ երկուս փոքր պատուհանս վայելուչս, ստուգայազարդս¹, վարագուրածիգս. մինն ի խորհրդանոց կամ ի յընծայարան և միւսն միւռոնանոց: Եւ առաջի սոցա փոքրիկ սեղանս մարմարիոնեայս, պայծառափայլս և շողընկալս²:

ձրգ.

Հրակիզութեան մեծագնոյ, 14 ժամ և այլ աւելի տեւալ ի յաթպագարէն սկսեալ, շուրջ զսառճախանայիւ ճարակեալ, զեէնկիչէրնոց օտարլարն և զհարէճնոցն համանգամայն կիզեալ: Եւ ի նոյն շաբաթոջ ևս երկու անգամ հրակիզութիւնք մաներք լեալ: Քրիստոնէից տանց կամ կըրպակաց ոչ ինչ մնաս, այլ տաճկաց եղեալ...: Նոր փաթրիքն³, որ ի յանցեալ ամսեան ի մառոնոց կարգէն զհայր յօհաննէսն, որ ազգաւ հայ էր, ըմպունել ետ ի թին, յաւել ևս ըմպունել զորդի սեբաստացի և բոքնիքցի տէր միքայէլի կախեցելոյ ի ժամանակս տէր Կոմիտասի նահատակութեան, զիղճուկ տէր յակոբն, որ և սա շրջէր վասն ի ժանտացաւոց ըմպոնեցելոց հոգալ զհարկաւորութիւն հոգեաց նոցին. ուղարկեաց ի թին: (Հ. Միքայէլ վ. առ Մեղզոնեան, 1751 Օգոստ. 16 Սարուեար. [Պոյխ]):

ձրդ.

Աստ եղեալ լիբանանցի Պօղոս վարդապետն խնդրէր պակաս ի գնոյն իբր 3 խոշ. զբազիրք մի (պատճառելով զաղքատութիւն) վասն իւրեանց լիբանանու կաթուղիկոսին⁴. և ես ի դիմաց գերյարգութեանդ ձրի ընծայեցի կաթուղիկոսին զբազիրք մի ասելով նմա՝ գրել առ կաթուղիկոսն, թէ արբայհայրն ընծայէ, զոր օրինակ և երանեալ հոգի արբայհայրն մեր ընծայեաց յառաջ քան զսա նստեալ կաթուղիկոսին գրեանս բազում: (Հ. Զաքարիա վրդպտ. Մխիթարեան առ Մեղզոնեան, 1751 Նոյեմբ. 22. [Պոյխ]):

ձրե.

Լուաք աստ, թէ երկու լիբանանցի կարգաւորք եկեալ են ի յանքօնա, կալնուլ զեկեղեցին առ ի շինել զմենաստանիկ, զոնեայ երկուց և երից բնակք: (Հ. Միք. վ. առ Մեղզոնեան, 1751 դեկտ. 21. [Պոյխ]):

ձրզ.

Ի վերջին աւուրս յունիսի հրդեհ մեծ անկեալ է ի Կոստանդնուպօլիս ի կէտիկ փաշայի կողմն, և այրեալ է բովանդակ դումղաբուն մինչև յեկեղեցին աստուածածնի հայոց. և թիւ այ-

1. Ի բառն Stucco = Կճաշաղախ.
2. Անուշադրութեամբ մը զանց եղած է նշանակել նամակագրին անունն ու թուականը: Շատ հաւանօրէն Մեղզոնեանէ է.
3. Քէորգ Պատրիարք:
4. Յակոբ Բ.Ի.